

Intsumisioaren araudia aldatzeko proposamena aurkeztuko du EAK

Armadari ez laguntzeagatik epaitu zuten atzo Legazpiko alkatea

Eguno intsumisioaren gaineko araudia ez datorrela gizartearen nahia- rekin bat adierazi zuen atzo Rafa Larreinak, EAKo idazka- riorde nagusiak. Hori dela eta, araudia aldatzeko propo- samena aurkeztuko du EAK Espainiako Kongresuan. Alderdi horretako buruzagiak Donostiako Entzutegian izan ziren atzo, Jose Ramon Larra- ñaga Legazpiko alkateari elkartasuna adierazteko.

Efe / Donostia

INTSUMISIOAREN kontrako zi- gorra jasotzen duen araudia alda- tzeko proposamena eramango du EAK Espainiako Kongresura, egungo intsumisioaren gaineko araudia «guztiz anakronikoa» de- lako herriaren nahia ikusita. Ha- la adierazi zuen atzo EAKo idaz- kariorde nagusiak, Rafael Larrei- nak, Donostiako Entzutegian. Jon Goikoetxea EAKo Gipuzkoa- ko lehendakariarekin eta alder- diko beste hautetsi batzuekin ba- tera izan zen atzo Entzutegian,



Jose Ramon Larrañaga Legazpiko alkatea (eskuinetik bigarrena), EAKo buruzagi eta hautetsiekin.

EDURNE KOCH

Jose Ramon Larrañagari elkartasuna adierazteko. EAKo idazka- riorde nagusiak azpimarratu zuen egungo araudia ez datorrela bat gaur egungo gizartearen sen- timenduarekin, eta PPK duen an- tzinako mentalitatearen isla dela.

Legazpiko alkatea epaitu zuten atzo Penaleko hirugarren salan, Espainiako Armadari ez lagun- tzeagatik. Larrañagak ez zien

eman armadako agintariei solda- dutza garaian dauden Legazpiko gizonezkoen zerrenda. Fiskalak bi urteko inhabilitazio zigorra eta 700.000 pezetako isuna (28.000 libera inguru) eskatu zuen Larra- ñagarentzat. Hark, berriz, hartu- tako erabakia uste moral sendoe- tan oinarritua dela adierazi zuen, eta alkate den bitartean jarrera bera izango duela gaineratu. X

Diputatuen Visako fakturak eskatuko ditu berriz HBk

Informazio hori izateko oinarritzko eskubidea berretsi die epaitegiek

Iruñe Lasa / Donostia

GIPUZKOAKO Foru diputatuek Visa txartelarekin 94 eta 95 ur- teetan egin zituzten gastuen fakturen kopiak eskatu ditu be- rriz, eta 96 eta 97 urteetakoak ere bai, Herri Batasunak Batzar Nagusietan duen taldeak (Ezker Abertzalea Batzarkide Taldea), Euskal Herriko Justizia Auzite- gi Nagusiak datu horiei buruzko informazioa eskuratzeko esku- bidea dutela epaitu ostean.

1995eko irailean eskatu zi- tuten HBk, diputatuen 1994 eta 1995 urteetan Visa txartelare- kin egindako gastuen fakturen kopiak Batzar Nagusietako Ba- tzorde Iraunkorrean. Roman Sudupe diputatu nagusiaren erantzuna, Ezker Abertzalea Taldearen iritziz, ez zitzaion es- katutakoari lotzen. Diputatu nagusiak sail bakoitzak bi urte horietan egindako gastuen ze- rrenda jaso zuen erantzunean.

HBk atzera eskaera egin zuen berriz, fakturen kopiak eska- tuz; Roman Suduperengandik jasotako erantzuna aurrekoa- ren antzekoa izan zen. Faktu- ren kopiarik ematen ez zitzaie- la eta Herri Batasunak demanda sartu zuen Euskal Herriko Jus- tizia Auzitegi Nagusian, eta ho-

nek igaro abenduan eman zuen epaia, HBren informaziorako oi- narrizko eskubidea urratu zela erabakiz eta Diputazioaren az- ken erantzuna baliogabetuz.

HBk, atzo emandako pren- tsaurrekoan, azaldu zuen hau ez dela informazioa ukatzen zaien lehen aldia izan. «Askotan informazioa ez zaigu eman edo oztupo asko jarri zaizkigu infor- mazio hori lortzeko, eta norma- lean informazio horien atzean Diputazioak egindako gastu na- barmenak daude», esan zuen Xabier Olanok batzarkideak.

Visa txarteletatik kanpoko «eskandaluzko» zenbait gastu ere aipatu zituzten Olanok: Gi- puzkoaren sorreraren 500. ur- teurrena zela-eta Getarian egin zen osoko bilkuraren ostean, bertako jatetxe batean egindako 900.000 pezetako gastua; Ba- tzar Nagusietako lehendakariak Eguberri oparitan gastatutako milioi erdia. «Gure ustez horre- lakoak eta beste asko jakin be- har ditu herritarrek», esan zuen Xabier Olanok. «Badirudi faktu- ra horiek zerbait ezkutatzen du- tela, ez baita logikoa behin eta berriz faktura batzuen kopiak ez herritarrei ez hautetsiei ema- tea, eta faktura horiek gorde- tzea», amaitu zuen. X

1.000 harri behar ditugu Urruñan ikastola eraikitzeko


ZURE HARRIEKIN, GURE HAURREN ATERBEA. Guretzat euskaltzaleek erosi harriekin eraikiko ditugu Urruñako ikastolaren hormak.

HARRIZ HARRI ETXEA ERAIKI. 400 liberako / 10.000 pezetako 1.000 harri bildu behar ditugu Urruñako haurrek ikastola ukan dezaten.

JARRIKO AL DIOGU ZURE IZENA URRUÑAKO IKASTOLARI? Erosten duzun harri bakoitzari zure adierazgarria ipiniko diogu emandako laguntzaren seinale, eta etxean jasoko duzu zure laguntzaren oroigarria.

NOLA EROS DEZAKET HARRIA? Orri honen azpian zure xehetasunak idatzi eta bidai lezaguazu gure helbidera.

BESTELAKO DIRU-LAGUNTZA EMAN NAHI BADUT? Laguntza guztien artean bidai bat zozketatzen dugu.



URRUÑAKO IKASTOLA ERAIKITZEKO KOMITEA
MIGUELÉNIA,
SOKORRI KALEA
64122 URRUÑA
TEL.: 0559543995 / 0559543334

Harri bat erosi nahi dut Urruñako ikastola eraikitzeko

IZEN ABIZENAK

HELBIDEA

Erosi nahi duzun harri kopurua

Pagatzeko modua (egin gurutzea dagokion lekuan):

☐ TXEKE BIDEZ, KOPURUA:

☐ TRANSFERENTZI BIDEZ, KOPURUA:

☐ Euskadiko Kutxa 3035 0030 10 0360044960

☐ Caisse Epargne 16485 00040 040209469106

Harria erosi ordez, bestelako diru laguntza eman nahi dut. Kopurua: